

Cyngor Cymuned Llanystumdwy

Cofnodion rhaglen waith y Cyngor - nos Iau, 21ain o Fai, 2020 drwy 'Zoom'.

Roeddent yn faterion oedd angen sylw oherwydd nad oedd yn bosib cynnal cyfarfod cyffredin yn y man arferfol, oherwydd y COVID 19

Yn bresennol drwy 'Zoom': Y Cyngorwyr Anwen Jones (Cadeirydd), Aled Davies (Is-gadeirydd), Aled Evans, Trefor Wyn Jones, Margaret Griffith, Naomi Jones, Thomas Prys Jones, Ceri Jones, Darren Morley, Sian Angharad Parry, Tegid Jones, Angela Williams, a'r Clerc.

Ymddiheuriadau: Derbyniwyd ymddiheuriad oddi wrth y Cyngorwyr William Ifor Hughes, Sion Aled Jones a Gareth O.Davies.

1. Cyflwyno a chadarnhau cofnodion cyfarfod y Cyngor gynhaliwyd ar 5fed o Fawrth 2020, a'r ebyst/galwadau ffon a dderbyniwyd erbyn 7fed o Ebrill 2020 - y cofnodion wedi cael ei anfon drwy ebost at bawb. Trefnwyd i'r Cadeirydd ei llofnodi a'i rhoi i'r Clerc erbyn y cyfarfod nesaf.
2. Llofnodi cadarnhâd taliadau BACS mis Mawrth 2020 ac Ebrill 2020 (wedi methu llofnodi taliadau BACS mis Mawrth 2020 o dan yr amgylchiadau/, ac wedi cael caniatad gan y Cadeirydd, Is-Gadeirydd a Chadeirydd y Cyfarfod Busnes drwy ebost y byddai'n iawn talu'r taliadau oedd angen ei gwneud fis Ebrill 2020 drwy BACS) - bydd y Clerc wedi trefnu i'r Cadeirydd ei gweld a'i llofnodi o flaen noson ein cyfarfod nesaf.
3. Datgan buddiant personol - neb.

4. Cyngor Gwynedd - cais cynllunio yn y gymuned:-

- a) a) Cais Rhif: C20/0335/41/DT:- Pen y Bryn, Chwilog, Pwllheli, Gwynedd. - Bwriad: Estyniad deulawr ochr, - **Cefnogi**.

5. **Gwaith ar y llwybrau, Ebrill 2020 ymlaen.** Gwnaed penderfyniad gan y Cyngorwyr ar 5ed a'r 6ed o Ebrill 2020, drwy ebyst yn cytuno, oherwydd sefyllfa COVID19 eleni, y byddai'n anodd iawn cael prisiau, ac yn wir anodd cael gwneud y gwaith yn ol yr arfer. Felly, gofynwyd i'r Clerc ofyn wrth y 2 fu'n gwneud y gwaith barbio a chynnal a chadw'r Bedd llynedd, os y byddent yn fodlon gwneud y gwaith eto am y flwyddyn rhwng Ebrill 2020 - diwedd Mawrth 2021.

Fe wnaeth y Clerc holi Mr Mel ab Owain, Un Llais Cymru, ac anfonodd ebost at y Clerc yn cadarnhau y byddai hyn yn iawn am eleni'n unig.

Felly ni roddwyd hysbyseb yn Y Ffynnon, ar ein gwefan, nac ar ein hysbysfyrdau eleni. Mae'r Clerc wedi cadw copiau o'r ebyst er mwyn pwrpas archwiliad flwyddyn nesaf.

Y Clerc wedi derbyn cadarnhad gan Mr Clifford Hughes y byddai'n fodlon i wneud y gwaith eto ar gyfer y llwybrau canlynol am yr un bris a llynedd, ac wedi derbyn ei dystysgrif yswiriant cyfredol i wneud y math yma o waith hefyd.

- a. Llwybr swyddogol o Ffynnon Cybi i ben Garn Bentyrch, un toriad.
- b. Llwybr o dan bont y rheilffordd i'r traeth yn Afonwen, dau doriad.

- c. Llwybr heibio Ynysgain Bach hyd at bont y rheilffordd, dau doriad.
- ch. Llwybr o'r ffordd fawr i fyny at fythynnod Tŷ Newydd, dau doriad.
- d. Llwybr Clawdd Llanw o Bontfechan dros y rheilffordd am Ty'n Morfa, dau doriad.
- dd. Ceg y llwybr ar hen ffordd Abercin, ochr y pentref i'r ffordd osgoi, un toriad.

Bydd angen gwneud y toriad cyntaf ganol Mehefin, a'r ail doriad ddechrau Medi.

Mae cytundeb torri Cae Chwarae Llangybi (*cytundeb wedi ei wneud yn 2018 am 3 mlynedd felly mae hwn yn iawn am eleni eto*).

Pawb yn cytuno, a'r penderfyniad, a gofynwyd i'r **Clerc anfon llythyr at Mr Clifford Hughes i'w hysbysu.**

Cadw safle bedd D Lloyd George yn daclus yn ystod y tymor Ebrill 2020 - Mawrth 2021 - mae'r Clerc wedi derbyn ebost gan Mr Gareth Jones, yn cadarnhau ei fod yn fodlon gwneud y gwaith o ofalu am y bedd eto eleni am yr un bris a llynedd. **Derbyn.**

6. **Pont Llanystumdwy - clirio tir y Cyngor yn Maenywern** - y Clerc wedi cael dau bris, un gan Mr Gareth Jones a'r llall gan Mr Clifford Hughes. Trafodwyd y prisiau ar y noson a chytunwyd i ofyn wrth Mr Gareth Jones wneud y gwaith. **Y Clerc i anfon llythyr i'w hysbysu.**

Materion yn y gymuned.

7. **Llanystumdwy**

a) **Cysylltiad "Band eang ffeibr"**- cais gan Gyngorydd o Lanystumdwy eisiau trafod cael cyswllt 'ffeibr' yn Lanystumdwy oherwydd fod y cyflymdra cyswllt yn araf deg. Mae wedi cysylltu hefo 'Openreach', ond yn ol ei gwefan nid oes bwriad yn y dyfodol agos i gael 'ffeibr' yno. **Y Clerc wedi ysgrifennu at Liz Saville Roberts AS ac 'Openreach'. Derbyniwyd ebost gan 'Openreach' yn dweud os oedd unrhywun yn cael trafferthion dylent wneud ymholiad unigol drwy roi ei cod post ar y linc yma:- www.homeandbusiness.openreach.co.uk/fibre-broadband/when-can-i-get-fibre yna derbynir ebost yn nol wedyn ganddynt yn eich hysbysu pa bryd bydd y cyswllt ffeibr yn debygol o fod ar gael. Derbyniwyd gwybodaeth gan Liz Saville Roberts hefyd, yn dweud fod bwriad i gysylltu nifer fawr o eiddo yn ystod y misoedd i ddod, a byddai'n syniad iddynt ffonio BT ar 0800 783 0223. Dywedwyd fod tua 8.8% eiddo o fewn yr etholaeth heb gyswllt band eang o 10mbps, a bod hyn yn cael sylw ganddynt.**

b) **Maes Parcio** - cais gan aelod o'r cyhoedd yn dweud fod llawer o ddrain ag eiddew yn tyfu i mewn i erddi tai Caellwyd o'r maes parcio. **Y Clerc wedi anfon llythyr at ADRA ac maent am drefnu i wneud y gwaith.**

8. **Chwilog**

Llwybr troed o Chwilog i Afonwen

Y Clerc wedi derbyn ymateb gan Dafydd Elis Thomas, Aelod Cynulliad ar 27.02.2020, ac fe wnaeth anfon copi o lythyr gan Mr Dafydd Wyn Williams, Pennaeth Adran Amgylchedd, Cyngor Gwynedd yn cadarnhau fod cais am arian grant drwy gronfa Llwybrau Diogel yn y Gymuned wedi cael ei gyflwyno i ddatblygu'r llwybr yma, gan ddisgwyl penderfyniad ar y cais ym mis Ebrill eleni. **Y Clerc wedi cysylltu hefo Mr Dafydd Williams i ofyn am ddiweddariad, ac wedi derbyn ateb ar 19.05.2020 yn cadarnhau ei bod wedi cyflwyno cais am arian grant ar gyfer datblygiad pellach y**

cynllun beicio a cherdded, i'r Llywodraeth ac roeddent yn disgwyl penderfyniad ar y cais fis Ebrill 2020. Yn anffodus, oherwydd y sefyllfa argyfwng sydd wedi codi yn sgîl Covid19, mae penderfyniadau ar holl geisiadau grantiau wedi ei ohirio am y tro. Unwaith y byddent yn derbyn diweddariad pellach, byddent yn cysylltu gyda ni eto. Penderfynwyd derbyn y wybodaeth ac i wneud ymholiadau eto ymhen ychydig fisoedd.

9. Llanybi

Pont i fyny am Brychyni o Ynys Wen-mae cerrig wedi syrthio oddi ar y bont - Y Clerc wedi anfon llythyr a lluniau at Adran Priffyrdd, Cyngor Gwynedd, ac wedi derbyn ateb yn dweud ei bod am fynd yno i'w asesu a chwblhau archwiliad. Y gobaith wedyn oedd y byddent yn apwyntio contractwr i gwblhau y gwaith trwsio.

10. **COVID-19** - Y Clerc wedi rhannu posteri o gwmpas y pentrefi (ac wedi cael ei roi ar y gwefanau cymdeithasol) a'r hysbysfyrdau yn dangos manylion cyswllt y Cyngorwyr i gyd, a phoster yn dangos manylion busnesau lleol sy'n cynnig gwasanaethau lleol, e.e.danfon neges. Mae'r Cyngorydd Aled Evans wedi bod yn ffonio trigolion y gymuned i weld os ydynt angen cymorth o unrhyw fath, ac mae aelodau o Fenter y Plu, a sawl aelod arall wedi bod yn rhoi cymorth o bob math i'r cyhoedd yn yr adeg anodd yma. Diolchwyd i bawb am ei cyfraniad.

11. **Archwilio mewnol Cyfrifon 2019 - 2020** - y Clerc wedi derbyn ffurflen i'w chwblhau gan Ms Luned Fón Jones, Rheolwr Archwilio, Cyngor Gwynedd i'w hysbysu pryd fydd y cyfrifon a'r dogfennau perthnasol yn barod ar gyfer cael ei archwilio. Bydd angen iddynt fod yn barod erbyn y cyfarfod blynyddol. **Derbyn**.

12. **Cyfarfod Blynyddol** - cytunwyd i'w gynnal ar 18.06.2020, drwy 'Zoom', a bod y posteri yn cael ei gosod yn y manau priodol, a'r manylion yn cael ei gosod ar y wefan. Penderfynwyd trefnu cael 2 linc 'Zoom', sef un cyntaf ar gyfer y cyfarfod blynyddol, a'r llall ar gyfer y cyfarfod arferol, er mwyn i'r cyhoedd gael cyfle i wrando ar y cyfarfod.

Materion Ariannol

13. Adroddiad Ariannol gan y Clerc a'r Swyddog Ariannol Cyfrifol.

Anfonodd y Clerc ebost at y cyngorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 30.03.2020. Eglurwyd faint o arian oedd yn y tri cyfrif.

14. **Praesept**-wedi derbyn y taliad cyntaf, sef £9000.00 gan Cyngor Gwynedd 29.04.2020.

15. **Cyflog Clerc**:- Ar sail gohebiaeth a dderbyniwyd gan NALC drwy Un Llais Cymru+ SLCC/ALCC ar 7.12.18, derbyniwyd tabl graddfeydd cyflog ar gyfer clercod. Ar hyn o bryd mae'r tabl yma dal i fod yn gyfredol, *(er fod yr SLCC wedi cadarnhau ar 20.04.2020 fod yna drafodaethau i codi canran tua 2.75% o'r 01.04.2020 ymlaen-nid yw hyn wedi digwydd eto).*

Hefyd, i gymhlethu pethau, llynedd fe wnaethant newid y rhifau sydd ar y raddfa cyflog o ddechrau Ebrill 2019, oherwydd y 'cyflogau byw cenedlaethol'. Felly bydd cyflog y Clerc yn cychwyn ar rif 7 - 12, yn lle 18 - 22, o'r raddfa cenedlaethol SCP.

Felly, mae cyflog y Clerc a'r Swyddog Ariannol Cyfrifol o Ebrill 1af, 2020 ymlaen yn symud i fyny ar y raddfa cyflog, o **pwynt 8 i pwynt 9, sef o £10.37 i £10.57 yr awr, x 35 awr y mis = £369.95.**

Mae cyflog y Clerc yn ol y cytundeb cyflogaeth yn datgan:-

1. Cyflog

1.1 “Mae eich cyflog yn unol â phwynt cyflog NJC ar gyfer clercod rhan amser sef ar raddfa LC1 – SCP 18-22.

1.2 Ar yr amod fod eich perfformiad yn foddhaol, byddwch yn symud yn awtomatig drwy'r raddfa gyflog trwy godiadau blynyddol hyd nes ichi gyrraedd uchafbwynt y raddfa. Bydd eich codiad cyflog cyntaf yn daladwy ar 1 Ebrill 2019 ac wedi hynny ar 1af Ebrill bob blwyddyn hyd nes ichi gyrraedd uchafbwynt y raddfa. Gall y Cyngor ddal codiad cyflog yn ôl os bernir fod eich perfformiad yn is na'r disgwyl, yn dilyn adolygiad blynyddol.”

Pawb yn cytuno fod hyn yn dderbyniol.

16. Anfonebau angen eu talu:

Enw/Rheswm	Rheswm	Pris £	TAW	Cyfanswm Taliad £	Taliad BACS
Zurich Municipal	Yswiriant blynyddol rhwng 01.06.2020-31.05.2021	<u>656.18</u> <u>(44349894)</u>	<u>78.74</u>	<u>734.92</u>	<u>734.92</u>

Cyflog mis Ebrill 2020 y Clerc i'w rannu rhwng y Clerc a Chyllid a Thollau EM

Enw/Rheswm	Swm £	Cyfanswm Taliad net £	Taliad BACS yn lle sic oherwydd sefyllfa y COVID19:-
Cyflog sylfaenol y Clerc, Ebrill 2020 35 awr x £10.57 =	369.95 – llai treth £74.00	<u>295.95</u>	<u>295.95</u>
Cyllid a Thollau EM Treth ar enillion y Clerc Ebrill 2020	370.00 x 20% = £74.00	<u>74.00</u>	<u>74.00</u>
Costau'r Clerc Ebrill 2020	£16.00	<u>16.00</u>	<u>16.00</u>